



## **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Decimustertius. Quod hic Deus sit potissimum agens, mysticus,  
autem patiens.

**urn:nbn:de:hbz:466:1-9766**

ler, sed in singulis diuinis irradiationibus ipse met à Deo comprehenditur, & recenti semper amoris tractu in dilectu trahitur; sicque viribus proprijs paulatim destituitur, iuxta illud: *a* Quam dilecta tabernacula tua Domine virtutum, concupiscit & deficit anima mea in atria Domini.] atq[ue] ita paulatim [divina b Dei scientia, & notitia ignoracione hauritur, per coniunctionem quemam omnem superat, quando mens ipsa à rebus omnibus abducta primum, dein etiam seipsum deserens cum splendidissimis radijs coniungitur; atque illic, & ibi inuestigabili sapientiae profundo illustratur.] & [ardentissimo amore in praesenti sentit quod intelligentia capere non sufficit.]

Secundò similiter querat forte quispiam, per quam ergo operationem, post omnes mentis actiones, voluntas ad Dei amorem moueat. cui respondeatur, quod [voluntas habeat e vnum actum proprium, qui est actus tenendi sive amplexandi; & quasi possidendi, quos actus non potest habere intellectus: nam possessio non est intellectus cognoscentis, sed voluntatis habentis; sicut sanitas sani, non est medici cognoscentis, sed sani eam habentis.] & sic per actiones intellectus sufficienter excitati, [amoris f est ad inuicem mouere.] imò in hoc instanti [voluntas mouet g seipsum.] & tum [tanto intensius

cot humanum in aliquod h vnum fertur; quanto magis à multis remouetur.] vnde etiam præstat superiora amare, quam nosse; iuxta illud: Diliges (non autem intelliges) Dominum Deum ex toto corde tuo, ex tota anima tua, & ex tota i voluntate tua.

Tertiò vero querat forte aliquis; quo medio tam eminens amoris excelsus in voluntate perseveret, ne ad alia dilabatur: cui respondeatur, quod amor habeat vim quandam coniungentem, vt inferiora se ad superiora conuertant: superiora autem, vt inferioribus propiciant, & consulant. vnde humana [voluntas delectata & conquiescit in fine iam adepto;] & optimo modo patiendi à Deo accipit: Deus / autem potissimum agens, amorem ad instar alarum alit, & sustentat, ne ad inferiora labatur. vt autem hæc euidentiora fiant, consequenter dicitur,

*Quod hic Deus sit potissimum agens, mysticus autem patiens.*

#### ARTICVLVS DECIMVSTERTIVS.

**S**icut intellectus ab amore excedens te foris stare cogitur; ita tandem ipse amor Diuinitati vicinissime coniunctus: absolutus, sibiique soli, proprijs actionibus, à Deo Optimo Maximo abripitur; vt Deus supra omnia, & potissime agat, voluntas autem pessime agatur. Deus namque usque adeò

Ecc 2 præ-

*a Psal. 83. b S. Dionys. de diu. nomin. c. 7. c Theol. myst. apud S. Bonav. c. 3. p. 4. d ut latius hic art. 12. e Richard. in l. de Cont. & in Psalm. S. Augustin. S. Thom. &c. f S. Dionys. de diu. nomin. cap. 4. g S. Bonavent. de 7. itin. atern. h S. Thom. de perfect. spir. vite c. 6. i Luc. 10. k S. Thom. 1. 2. quest. 3. art. 4. c. l ut hic art. 15.*

præsens, intima causa est rebus omnibus bonorum omnium, vt ipse met rebus sit ipsa rerum bona. quod enim & ratione possibile, & simul conuenientissimum est, ipse in se Deus implet; & voluntatem sufficienter mouet vt obiectum. [motus enim voluntatis, causatur non tantum à voluntate; a sed etiam à Deo.] vnde & patiendo delectatur; & [appetitus b quiescit in bono adepto;] [indicibiliq; modo anima rapit, & rapitur, tenet, & tenetur, e strigit, & stringitur, & vna vni per amoris copulam sociatur.]

Sed [dicet mihi aliquis, ergò agimur, non agimus. Respondeo, imò & agis, & ageris. & tunc benè agis, si à bono agaris, Spiritus enim Dei qui te agit, agentibus & adiutor est: ipsum nomen adiutoris præscribit tibi, quia & tu ipse aliquid agis:] supplici nimirum conuersione, & inclinatione summum bonum venerando. [quod autem homo potius e agatur, & patiatur, quam agat;] à Spiritu sancto procedit, qui tunc est principalis motor, & animam agit per auxilium internum, cuiuscumque tandem conditionis, perfectio[n]is, vel eminentiæ illud fuerit. & sic quatenus aliunde mouemur, quodammodo patimur. [virtus enim quæ est actionis f principium, si ab alia superiori virtute moueatur, operatio ab

ipso procedens, non solum est actio; sed etiam passio, in quantum scilicet procedit à virtute, quæ à superiori mouetur.] & ideo qui tam eminenter agitur, agere g vix ille aliquid intelligitur, & tantum præstat voluntatibus nostris gratia Salvatoris, vt non dubiter Apostolus dicere: Quotquot spiritu Dei aguntur, hi filij Dei sunt. nec aliquid in nobis libera voluntas melius agere potest, quam, vt illi se commendet, qui male agere non potest.

Ad hunc porrò locum, & diuinæ communionis modum, directè spe-stant, quæ passim à sacris contem- platoribus, de modo passiuè cum Deo se habendi, subtiliter scripta sunt, & certè ea amoris natura esse videtur, vt [faciat b amantem intrare in interiora amati, & è contra, vt nihil amati, amanti remaneat non vnitum;] [quid enim omnia i prædicta (& peracta) valerent; si ea Deiformis operatio non consummaret;] & [verus amator à mentis statu dimotus & Deo non de- geret, non autem sua vita, sed aman- tis tanquam valde diligenda.] quam perfectè porrò amor hoc loco in- tendatur, consequenter di- cendum est,

\*\*

Vide-

a S. Thom. 1. p. quæst. 105. art. 4. b 1. par. quæst. 19. art. 2. r. c S. Bonavent. d S. August. serm. 43. de verb. Dom. & serm. 13. de verb. Apost. e S. Thom. 1. 2. quæst. 68 a. 1. f S. Thom. quæst. unic. de unio. verb. art. 5. c. g S. Augustinus ibid. h S. Thom. 3. sent. 4. 17 quæst. 1 art. 1. m. 4. i S. Bonav. 7. Itin. atern. d. 1. k S. Dionys. de divin. nomin. c. 4.